

佛本行集經

才五十四

三百一
籍四

4975-9



Faint, illegible markings and bleed-through from the reverse side of the page.

Small markings at the top center of the page.

Small markings at the bottom center of the page.



佛本行集經卷第五十四

隋天竺三藏法師 闍那崛多譯

優波離品中

尔時彼等親友二人見辟支佛飛騰虛空遊行無礙心大歡喜遍身踊躍不能自勝合十拍掌敬礼尊者辟支佛足乞如是願願令我等於未來世恒常值遇如是教師或更勝者彼所說法我等聞已速即知解不生惡道作是願已時彼一人又別乞願願言藉此功德之力於未來世恒生大姓婆羅門家願能誦持四圍陀論及以六種諸伎藝等而有偈說非直端心懷正信即得名為上福田



唯願供養佛與僧

并及值遇辟支佛

時彼二人於後命終一得生於波羅捺城刹利姓家即紹王位名曰梵德第二人者生婆羅門大清淨家名優波伽摩那婆具解諸論其優波伽摩那婆彼時有妻名曰摩那毗迦端嚴可喜觀者不馱最勝最妙世所無此得優波伽摩那婆之所愛敬若暫不見心即不悅尔時彼妻摩那毗迦因為少事有所嫌恨遂便不共優波伽語時優波伽煩寃懊惱作如是念今日我妻摩那毗伽不共我語聲音斷絕乃如此也

後時彼妻摩那毗迦過夏四月至於秋節白

優波伽摩那婆言善哉聖子汝今可去往至
市肆買取上妙塗香末香及諸花等所以然
者秋節四月今者已至衆人皆共受五欲樂
我等亦復在嚴身體受五欲樂

尔時優波伽摩那婆聞此語已歡喜踊躍遍
滿其體不能自勝作如是念今者我妻摩那

毗迦何期忽尔共我言語而優波伽有一金
錢先於餘村他邊出舉遂於午時日炙大地
陽炎暉赫其諸地色猶如赤雞發其家宅向
彼村落往欲債錢於其道路慾心纏逼口唱
婬歌當於尔時與梵德宮相去不遠其梵德
王在於樓閣取納清涼晝日眠著少時睡覺

忽聞彼人染著五慾作婬歌聲時王聞已即
復起發自本慾心而有偈說

或有由於本習氣

或復因事動其情

斯由色慾著愛染

亦似蓮花因水生

尔時梵德聞彼婬歌忽即驚疑此是誰也於
盛日午炎熱之時染著慾心口唱婬歌作是
念已從窓遙見彼優波伽於盛午時大地炎
熱行歌於路即喚一臣而勅之言汝可速往
捉彼歌人將向我邊其臣聞勅即白王言不
敢違旨遂至彼邊捉優波伽而語之言汝摩
那婆去來去來王今喚汝時優波伽心生恐
怖舉身毛豎悵快不樂作如是念今誰知我

於梵德邊有何罪過今我愁惱尔時大臣將
優波伽往即至於梵德王邊其王見已即生
愛心生愛心已向於彼人而說偈言

日中暉赫正炎熱

大地紅色如赤雞

汝今耽著婬慾歌

云何於是不生惱

日光普照正炎熾

地上融沙弥復熱

汝今耽著婬慾歌

云何於是不生惱

尔時優波伽摩那婆以偈報彼梵德王言

大王今者非熱惱

上天日炙何所及

唯有求利及失利

此是惱中最為惱

日光雖復大炎熾

此為惱中極下惱

經營種種諸事業

如是名為最大惱

時梵德王復問優波伽摩那婆言摩那婆汝於今者經營何事而於是處熾熱大地而行於路尔時優波伽即以上事向梵德王分別說之

尔時梵德王復告優波伽摩那婆言摩那婆止止莫去我於今者與汝兩錢

即天竺金錢

其梵德

王遂即與之尔時優波伽於梵德邊受其錢已仍復白彼梵德王言善哉大王雖得大王所賜兩錢我今詔王更乞一枚通前得三我向村落自取一錢并王所賜合得四枚我即得共摩那毗迦供其秋節為五欲樂其梵德王復告優波伽摩那婆言汝止莫去我於今

者與汝八錢遂便與之其優波伽受八錢已
復白王言善哉大王願乞歡喜今者諮王更
乞一錢即成九枚復往聚落自取一錢合成
十枚如是因緣我便得共摩那毗迦受其秋
節五慾之樂

時梵德王復告優波伽摩那婆言止止莫去
我今與汝一十六錢王即與錢一十六枚其
受錢已復白王言善哉大王願乞歡喜已得
王錢一十六枚今者諮王更乞一錢得成十
七復往聚落自取一錢合成十八以是因緣
我即得共摩那毗迦受五慾樂
爾時梵德復告彼言汝摩那婆止止莫去我

今與汝三十二錢其受錢已復白王言善哉
大王願乞歡喜已得王錢三十二枚今復諮
王更乞一錢我往聚落自取一錢合即搃成
三十四枚便得供我摩那毗迦於其秋節受
五慾樂

尔時梵德復告彼言汝摩那婆止止莫去我
今與汝六十四錢時優波伽即受錢已復白
王言善哉大王願乞歡喜已得大王六十四
錢今者願王更與一錢我今復往彼村聚落
自取一錢都合得成六十六枚便供我與摩
那毗迦受於秋節五慾之樂
尔時梵德復告彼言汝摩那婆止止莫去我

於今者與汝百錢時優波伽受百錢已復白
王言善哉大王願乞歡喜我今已得王錢百
枚今諮大王更乞一錢我往聚落復取一錢
合得成其一百二錢得供我與摩那毗迦共
受秋節五慾之樂

尔時梵德復告彼言汝摩那婆止止莫去我
當別更與汝一村以為封祿而婆羅門唯得
唯貪是故其人數至王邊其王即擇最上一
村與彼為封彼得封已遂即勤劬不辭勞役
猶如奴僕伏事彼王先起後眠行迹和軟所
作事業悉稱王意意行端直如是事王終不
為王有所嫌責以是因緣取王顏色今梵德

王歡喜無已於後復更與憂波伽分國半治
王之倉庫亦共分半彼婆羅門得是優寵受
其五慾具足之樂無所乏少如是次第一切
所作悉皆為王檢校得辦彼婆羅門但從己
家來至王宮王恒枕彼膝上而眠
其梵德王後於一時枕優波伽膝上而卧因
即睡著時優波伽見王睡已心作是念云何
一國乃有二王並用威勢一倉庫內亦復不
合二人共用我今可覓梵德王便斷其命根
若得殺者我即獨取王位治化彼優波伽作
是念已欲取刀時更作是念此梵德王於先
為我作此利益分其半國與我共治一切倉

庫亦悉分半我今若殺是無恩義如是第二
又作是念云何二人可得一處共治國化亦
復不合二人共用倉庫財物乃至第三念已
還悔我若殺彼必當成我無恩義行

時優波伽作是念已舉聲叫哭時梵德王聞
此哭聲忽然睡覺覺已問彼優波伽言汝今
云何作此大聲時優波伽向梵德王廣說前
事時梵德王而心不信彼優波伽有如此事
而語之言優波伽汝應定無如此之事汝優
波伽莫作是語時優波伽尋復語彼梵德王
言大王今者當信我語我實起發如是惡心
時優波伽復更思惟作如是念我今忽發如

是惡心因何事相正觀思已作如是言我發
如是惡事相者莫不由於爲五慾故爲王位
故我亦不須貪此王位亦復不須貪其世樂
我因此事生是惡心我今唯可捨家出家即
白王言大王今者知我將欲捨家出家
時梵德王語優波伽莫作是語我旣與汝分
國半治倉庫亦半我於今者與汝腹心無有
一人如似汝者汝若出家我今心意定不安
樂其優波伽復語王言善哉大王願垂許我
捨家出家我今決定出家不疑於我法行莫
生留難時梵德王又復告彼優波伽言如汝
所樂隨意而作

尔時波羅捺城有一瓦師於先出家行仙人
行依彼城住時彼仙人有大威德已成五通
即能以手摸日月輪時優波伽依彼仙人剃
除鬚髮既出家已勇猛精進即成四禪復得
五通大有威力亦能以手摸日月輪其梵德
王聞優波伽捨家出家成就大仙有大威德

亦能以手摸日月輪聞已微笑入於宮內對
諸宮人而說偈言

優波造善未經久

已獲利益果報深

彼仙善哉得人身

捨棄五慾出家行

尔時宮人聞梵德王說是偈已其心皆悉憂
愁不樂遂共白彼梵德王言大王當知彼人

本昔販賣博戲執杖行乞以自活命婆羅門
人威力甚少是故出家大王今者莫學彼人
捨棄家國而出家也

尔時梵德有剃髮師其人名曰咂伽波羅舊
來恒可梵德王心時梵德王追覓喚彼剃鬚
髮師而勅之言咂伽波羅汝今為我剃治鬚
髮作是語已於即睡眠時剃髮師咂伽波羅
見王睡已便即剃治王之髮鬚如是治已而
梵德王睡眠不覺王後覺已謂剃髮師咂伽
波羅我已勅令汝與我剃治鬚髮云何不
也作是語已咂伽波羅白梵德王我已治訖
但王睡眠而不覺也

尔時梵德取鏡自照見己鬚髮治理已訖見
已生喜因即勅彼咄伽波羅汝當受我最勝
村落我更與汝稱意樂事

時剃髮師咄伽波羅白梵德王我共宮內王
之眷屬委曲評論然後報王作是語已拜辭
而去其剃髮師咄伽波羅本於王宮出入無
礙遂即入宮白宮人言王已許我最勝村落
以爲封邑諸后妃等意悉云何可取已不
尔時妃后告彼咄伽波羅言曰咄伽波羅汝
於今者何用取王最勝村落我等現在足能
與汝金銀珍寶但我有所囑託汝事爲我辦
不其剃髮師咄伽波羅問宮人言妃等今者

有何事業令我欲辦時諸妃等即告彼之刺
髮師言大王比來每入宮內恒說一偈作如
是言

優波造善未經久

而得利益果報深

彼仙善哉得人身

捨棄五慾出家行

我等於時聞王此偈即作是念將恐大王捨
位出家善哉善哉偈伽波羅汝至王邊問斯
偈意其義云何

今時偈伽波羅即往馳詣梵德王所到已白
言大王許我最勝村落我今不用如此之願
但欲知王每入宮內於妃后前所說之偈
優波造善未經久
而得利益果報深

彼仙善哉得人身

捨棄五慾出家行

善哉大王願爲我說如此偈意其理如何今
從大王乞如是願

時梵德王告剃髮師呬伽波羅我聞優波伽
摩那婆捨半國位而求出家得成仙人有大
威力能以手掌摩日月輪我今正以五慾醉
亂貪著於斯是故我今仰羨於彼數入宮內
而說是偈

時剃髮師呬伽波羅即入宮內至妃后邊說
如是言諸妃后等莫慮大王欲出家也太王
今者定不出家時彼后妃聞剃髮師呬伽波
羅說此語已皆悉歡悅心懷踊躍遍滿其體

不能自勝將諸瓔珞莊嚴己身而告之言。嘔伽波羅我此瓔珞今悉施汝。汝今更莫爲活命故造作諸業。嘔伽波羅見是事已作如是念。彼優波伽旣捨如此半國王位而求出家。今梵德王仰羨於彼我。今何故不作是事而使一切世間羨我。然此后妃將諸瓔珞以施我者。我若順從此后妃意事必不善。我於今者亦可捨棄而從出家。嘔伽波羅作是念已。詣梵德所而白言曰。大王許我以前事者。我今意樂捨棄出家。時梵德王而問之言。嘔伽波羅汝今意者欲於誰邊而出家也。嘔伽波羅白言。大王我欲往至優波伽邊而出家耳。

時梵德王而告之言。咍伽波羅如汝意見。隨願而作。

余時咍伽波羅自剃鬚髮。至優波伽仙人之所。於即出家。既出家已。勤劬精進。尋獲四禪。及以五通。得大威神。有大威德。亦能以手摩日月輪。其梵德王既復聞彼咍伽波羅得出家已。成大神仙。有大威力。復能以手摸日月輪。聞此事已。不勝仰羨。欲求見彼。告諸臣言。諸大臣等。我今欲往彼仙人所。共彼相見。時諸臣等。而白王言。大王不然。大王今者不合身。自往彼人所。我等遣使喚彼仙來。時梵德王報諸臣言。卿等今者應無此理。汝等莫作。

如是之語上世已來無如此法而有諸仙身不自在而從喚也我等今者身自往彼此是如法何以故彼仙人等是大福田堪受供養我等必須身自至彼

時梵德王乘自威德莊嚴備辦五百乘車左右圍遶及以五百諸大臣等從波羅捺出詣向彼諸仙人所自欲光顯於彼世界

爾時仙人偈伽波羅遙見王來及至白王善來梵德憐能遠至爾時彼等五百諸臣怨恨瞋彼偈伽波羅出鹿鑛言汝是下賤婬女所生穢濁不淨恒洗垢膩云何今日喚大工名時梵德王止彼臣言勿作是語仙法如是喚

人名字。但此仙人有其或行有人威力時。梵德王即向諸臣而說偈。

卿等莫恨此仙人

此仙修行已具足

所有苦事能行故

得度一切苦怖畏

心既得捨一切惡

即非剗除及瓦師

咄伽波羅已苦行

降伏我故喚名字

現得忍力汝等看

降伏諸根獲證果

得諸天人所敬重

即天人中最為勝

今時梵德王及宮內諸嫫女等於先頂禮仙

人之足。却住一面而彼五百諸大臣等尋復

頂禮彼仙人足。既頂禮已。然後復禮咄伽波

羅仙人之足。次後亦禮瓦師之足。其梵德王

一面坐已慰諸仙言諸尊者聳身躰康和安
隱已不所求活命不至勞也無人惱亂諸仙
人也

尔時仙等報梵德言如是大王此事須忍但
王躰內安和已不一切眷屬及諸大臣國內
民庶悉安隱不作是語已彼等諸仙為梵德
王說法教化令心歡喜增長功德時梵德王
蒙彼諸仙說法教化令心歡喜增長功德從
坐而起頂礼諸仙還其本處

尔時佛告諸比丘言汝等若有心疑彼時優
波伽者其人是誰莫作異見即我身是
汝等比丘或有心疑彼時仙人唯彼羅刹

髮師者其人是誰莫作異見此優波離比丘是也

汝等比丘或有心疑於彼之時梵德王者其人是誰莫作異見此即輸頭檀王是也

汝等比丘或有心疑彼時五百諸大臣等其人是誰莫作異見即今五百比丘是也諸比

丘於時優波離比丘亦因我得五百大臣恭敬禮拜并及得彼梵德王禮今亦如此復因我得五百比丘及輸頭檀王之所禮拜

尔時世尊告諸比丘汝等比丘若欲善知於我聲聞弟子之中持律最者謂優波離比丘是也

尔時諸比丘作是念言其優波離昔作何業
乘彼業報生剃髮師下賤之家復作何業乘
其業報而得出家受具足戒獲羅漢果今得
如來授其記言汝諸比丘於我聲聞弟子之
中持律最者謂優波離比丘是也時諸比丘
作是語已往詣佛所白言世尊其彼長老優
波離者昔作何業乘彼報故生剃髮師下賤
之中復作何業乘彼業故而得出家受具足
戒得羅漢果即得如來授其記莚稱我聲聞
弟子之中持律第一
尔時佛告諸比丘言汝諸比丘我念往昔在
於此城有剃髮師其人娉求稱自門戶剃髮

師家娶女爲妻其後不久產生一子彼剃髮
師尋時遇患雖加醫療治而不瘥因其所患
乃至命終既命終已剃髮師妻將彼童兒付
自兄弟口告之言此之童兒是汝外甥今將
相付汝等必須教此童兒自父本業彼剃髮
師聞其姊妹作是語已受此童兒遂便教授
彼父本業彼剃髮師恒在王宮王所敬重每
爲國王剃除鬚髮不大在外爲人剃治時王
勅給白象一頭任所乘馳東西南北又給金
筒安置剃刀及餘雜事而勅之言凡無佛世
有辟支佛猶如犀牛獨行出時當作利益尋
於彼時辟支佛頭鬚爪髮悉皆長利來到

彼時剃髮師邊而告之言善哉賢首願當與
我剃除鬚髮時剃髮師報辟支佛作如是言
善哉大仙若欲然者聽待明日晨朝早來必
當與仙剃除鬚髮時彼尊者辟支仙人聞此
語已尋時還去過於彼夜晨朝起時著衣持
鉢還復詣彼剃髮師邊作如是言善哉賢首
今當與我剃除鬚髮時剃髮師還復白彼辟
支佛言善哉大仙若必然者聽至日晚即與
仙剃如是乃至若日西來還復語言聽待晨
朝若晨朝來聽待日西如是乃至晨亦不剃
晚亦不剃而彼童子見此尊者辟支仙人或
晨朝來或日西至日日恒亦見已白言辟支

尊者仙何緣故或朝或晡恒來至此時辟支佛向彼童子廣說前事

尔時童子白仙人言我舅終不爲仙剃髮何以故恃於王宮出入自在生憍慢故我今當爲仙人剃髮時彼童子即爲仙人剃除鬚髮尔時尊者辟支仙人作如是念今此童子大作功德我今當須爲彼童子光揚示現功德事相作是念已告童子言汝之童子若知時者必當持取我之鬚髮汝於當來有大利益作是語已猶如鴈王舒其兩翅以神通力忽尔飛騰乘空而去時彼童子取辟支佛所剃鬚髮置於臍上向辟支佛生清淨心頂戴十

指合掌作禮即發是願願我當於未來世中
還值如是辟支佛尊或更勝者彼之世尊所
有說法願我速即悉皆知解又願我更不生
惡道又願當來生生世世恒作如此剃鬚髮
師爲福田故供養承事如是聖者

尔時彼城宮內國王昇殿視事與大國臣左
右圍遶而彼大衆悉皆遙見彼辟支佛騰空
而行大衆見已白彼王言大王今者甚有吉
利善得人身如今國內福田出世王遂仰觀
即見彼時辟支佛已告諸臣言剃此辟支佛
鬚髮者大得吉利時彼爲王治鬚髮師因在
王邊而白王言如此仙人是我能剃更誰能

也時彼童子聞此語已即至王邊而白言曰
大王當知我舅今者虛言浪語我舅本不剃
彼鬚髮此既小事猶尚妄稱是我剃彼仙人
鬚髮論其實剃即我身也爾時王所治鬚髮
師訶彼童子咄哉癡人汝有何力能剃彼髮
時彼童子於即挽出辟支佛髮顯示大衆此
仙人髮我現持行願悉知見
爾時王見如是事已即生瞋怒告彼恒治鬚
髮師言咄哉癡人汝於我邊有如是力今日
何因虛誑我也汝速出國勿任我境并即奪
彼所乘白象及治鬚鬚諸具度等及以封祿
與彼童子而勅之言從今日後汝恒與我治

其鬚鬢及以爪甲時彼童子而白王言如王
所勅不敢違也從今已後恒即為王治其鬚
鬢及抓甲等隨世壽命取終之後因彼功德
生生世世不墮惡道從天至人從人至天二
處往返後於一時還生在於波羅捺城剃髮
師家可喜端正觀者不厭而彼童子父母養
育及其長大意智漸漸伎藝成就

尔時迦葉世尊出現於世但他伽多阿羅訶
三藐三佛陀作大教師應供正遍知明行足
善逝世間解無上士調御丈夫天人師佛世
尊尔時迦葉婆伽婆阿羅訶三藐三佛陀已
轉法輪逆轉流轉已受法譽本願具足最得

稱利勝丈夫志開敷示現所化蓮花於無量
億百千衆生安置善道當尔之時修行依彼
波羅捺城住舊仙人所居之處彼鹿苑中與
比丘僧二萬人俱時彼剃治鬚髮師父數詣
彼苑與諸比丘剃除鬚髮然彼小兒始能行
時共父至於伽藍寺內然諸比丘或說諸法
講論之時得至彼聽講說律時或復得聽或
不得聽時彼童子問諸比丘云何一切等是
善言我或得聞或不得聽其意如何時諸比
丘報言童子如此之法是諸比丘秘密之事
若不受於具足戒者悉不得聽時彼童子聞
此事已心生懊惱云何願我速得出家堪聞

善語後時童子至律師邊請乞出家得受具
戒依諸比丘誦持戒律依法而行雖復如此
而不能證出世之智然彼後時病困著牀臨
欲命終又發是願迦葉如來怛他伽多阿羅
訶三藐三佛陀有一菩薩名曰護明已授記
言汝於將來壽百年世當得作佛号曰釋迦
多他伽多阿羅訶三藐三佛陀我於今者願
值將來釋迦牟尼若順所願在彼教中亦乞
出家受具戒已於彼世尊諸弟子中所持律
者我為第一如我今日此師和上於迦葉佛
諸持律行弟子之中最為第一我亦是當
於彼時釋迦如來法教之中持律弟子我最

第一彼人從亦命終已後即生天上及至今
日最後之身受胎生於迦毗羅城剃髮師家
名優波離即其人也

佛本行集經卷第五十四

籍

藉

才反夜

睡覺

下教

音融

余反弓

枚

音梅

勤

劬

下音

孃

音孃

苦無

販賣

上反

方

評論

上音

音

病

悌

音希

鹿

獷

下音

俱

記莚

下反

井

娉

反

併

醫

字音

甥

音生

筒

音同

犀

犀

音一

同

膊

音博

咄

丁括

骨

丁反

挽

音晚

佛本行經五十四卷

籍

